

18. marts 2014

UPA 2014/137  
Lars Mathæussen

**Siunnersuut: Meeqqaqut inuuusuttunullu ikorsiisarneq pillugu Inatsisartut inatsisaat nr xx, xx 2014-imeersoq.**

**(Ilaqtariinnermut Inatsisinillu Atuutsitsinermut Naalakkersuisoq)**

Siumumiik ima oqaaseqarfingissavarput.

Meeqqat pillugit suliniarneq soorunami pisussaaffiuvoq pinngitsoorneqarsinnaanngitsoq, inatsillu ima pitsaatigissasoq allaat Naalagaaffiit Peqatigiit isumaqatigiissutaat naapertor-lugu nassuiarneqartoq Siumumiik nuannaarutigaarput.

Ullutsinni meeqqat atugaat pillugit sulissiniarnermi pingaaruteqarluinnartuuvoq siusissuk-  
kut iliuuseqarnissaq, taamaattumik inatsisissatut siunnersuummi sammisatsinni § 2 imm.  
2-mi allassimasoq imaaattoq nuannaarutissaavoq: "ilaqtutanut inuttullu attaveqarfinnut toq-  
qissimasumik atassuteqarnerit tapersorsorlugit".

Maluginiagassattaaq ilagaat meeqqat 18-leereersimasut aamma inatsimmi ilaasut, taman-  
nalu pisussaaffimmik naammassinniffiussasoq meeraq inersimasunngulersoq aamma suli  
sullinnejassasoq siunissamik pitsaasumut kinguneqartussamik.

Ammattaaq maluginiarparput angajoqqaanngortussat ikiorserneqartarnissaat periarfissi-  
neqartoq, aammalu allaat nunani allaniikkallarnermi naalagaaffiit isumaqatigiissuteqarfingi-  
lugit isumaginnitqarsinnaassasoq qulakkeerneqarniarluni. Ammattaaq kommuunimiik  
kommuunimut allamut nuunnermi kommuuni nalunaarsinnaavoq ilaqtariit meerartallit  
ikiorneqarnissaat pisariaqarpal nalunaaruteqassallutik, ima paasillugu meeqqat atugaat  
allamut nuunnermi ajornerulinnginnissaat pisussaaffiuvoq.

Soorunami kommuunit pisussaaffii tassani aamma ersarilluinnartut politikkerinik innut-  
taasunillu maluginiarneqarnissaat toqqissimanerulernermik meeqqat pillugit kinguneqas-  
sasoq takorlooruminarpoq.

Meeraq angerlarsimaffiup avataanut inissinneqartoq inissiivinnut sunulluunniit inissinne-  
qartoq qanoq sullinnejassasoq qanorlu isumagineqassasoq ersarippoq, sullisisullu kik-  
kuugaluartut toqqissimanartumik malitassaqarnissaq kissaatigisassagaat qularnannngim-  
mat taakkunanissaaq toqqissimanerusumik ingerlaaseqalernissaq pilissasoq takorloor-  
sinnaavarput, tamannalu aamma innuttaasut akornanni toqqissimanermik pilersitsissaaq.

Taama Siumumiik oqaaseqarluta meeqqanut inuusuttunullu ikorsiisarneq pillugu inatsisisatut siunnersuut llaqtariinnermut Peqqissutsimullu Ataatsimiititaliamut ingerlaqqinnissaa inassutigaarput.